



Broj: UP1:01-50-2-2105-1/23
Sarajevo, 18.05.2023. godine

Na osnovu člana 14. stav (2) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11 i 100/13), a u vezi sa članom 193. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), rješavajući po zahtjevu Joãoa Francisca Carlosa Santosa za slobodu pristupa informacijama od 11. 5. 2023. godine, šefica Kabineta - savjetnik ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

ZAKLJUČAK **o obustavi postupka**

Postupak po zahtjevu za pristup informacijama Joãoa Francisca Carlosa Santosa od 11. 5. 2023. godine se obustavlja.

O b r a z l o Ź e n j e

João Francisco Carlos Santos obratio se 11. 5. 2023. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) putem e-maila zahtjevom za slobodu pristupa informacijama u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11 i 100/13, u daljnjem tekstu: Zakon).

U zahtjevu je navedeno da se traži pristup sljedećim informacijama: *konačni izvještaj o istrazi dviju avionskih nesreća: 1. nesreće od 20. maja 2012. godine, Cessna 182P Skylane registracije E7-SEX, u blizini aerodroma Banja Luka; 2. nesreće od 10. maja 2010. godine, na Mooney M20M registracije D-EHCH u Bihaću.*

U skladu sa članom 11. Zakona, utvrđeno je da je zahtjev uredan.

Postupajući po predmetnom zahtjevu, Ministarstvo je, u skladu sa članom 14. stav (1) Zakona i Vodiča o slobodi pristupa informacijama broj: 01-04-50-2-3460/12 od 28. 5. 2012. godine, poduzelo sve potrebne radnje kako bi prikupilo tražene informacije i razmotrilo sve činjenice i okolnosti koje su značajne za obradu predmetnog zahtjeva.

Imajući u vidu da Ministarstvo tražene informacije objavljuje na internetskoj stranici u rubrici Izvještaji (http://mkt.gov.ba/Content/Read/izvjestaji_transport) te da podnositelj treba platiti kopiranje za 105 stranica, Ministarstvo je 18. 5. 2023. godine putem elektronske pošte zatražilo od podnositelja da se izjasni ostaje li pri svom zahtjevu.

U vezi sa traženim, podnositelj je 18. 5. 2023. godine putem elektronske pošte obavijestio Ministarstvo da odustaje od podnesenog zahtjeva jer su tražene informacije objavljene na internetskoj stranici Ministarstva.

U skladu sa navedenim, odlučeno je kao u dispozitivu ovoga rješenja.

Uputstvo o pravnom lijeku: Protiv ovog rješenja dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositelj zahtjeva nije zadovoljan postupanjem ovog organa, ima pravo obraćanja Ombudsmenu za ljudska prava Bosne i Hercegovine, Akademika Jovana Surutke 13, 78 000 Banja Luka.

**PO OVLAŠTENJU MINISTRA**
Sanja Skuletić-Malagić

Dostavljeno:

- carlossantosjf00@outlook.com;
- spis predmeta;
- a/a.

